


BER I ČITAJ!





DOBRY PASTYR.

Dorohi Uhorskí aj Halickí Russiny, greko katolici, Brat'a!

Uže visse 25 lit, otkoli jeden vopros zanimajet Amerikanskoho grekokatolickoho naroda, Vas samieh i to takij važnij vopros: žyti či nežyti, či možete poderžati greckij staroslavjanskij obrjad — svoje naboženstvo, či možete i na daľe ostati v toj viri, v jakoj otei vaši žyli? ... Jak keby hrom iz jasnoho neba udariv, tak nespodivanno prišla Rinska Bulla po imeni "Ea semper", kotru to iz papištaekim duchom nafutrovannij, tak zvanij reformovannij vasilian monach Ortinsky vo podarunok vam prinės. Na takij dorohij dar duže pasuje prislovica naša: "Dav boh došdu, nit vñim chasnu".

Priklonniki Ortinskyho iz "telačim vostorhom", poradovalisja prihyvšemu, jakby russkomu vladyki (v distnosti on, ne jest russkim, ale "rutenianskim" biskupom; pozeraj jeho vimenovanije). ale dalšezračniji izbačili zaraz, že dato nedobroje; že Ortinsky neje ten russki jepiskop, koho dočekali, že on lem ruskoje odianije, skuru majet na sebe, že "čorna hmara" visit nad bohobojnim russkim virnim narodom. Ortinsky tajiv, že on ne majet žadnu Bullu aňi neznajet o ňu, ale šilo vijšlo iz miška hnedka, bo koli na sobori v New York začav Ortinsky kľatisja i božitsja "neznaju čelovika", "neznaju o Bulli" tohda jeden vaš svjačennik O. Kornelij Laurisin ukazal jemu ju (jak mohlite tedi čitac v Viestniku), i uže znali vaši duhovniki že bida na vas, konec vam ... Ale idme gu dñlu.

Anu lem što jesta tak strašnoho v toj Bulli. Što ona v sobi soderžujet, jaki punkta majet ona? Nebojmesja pozerati v oči ju, ta čujme i vidme jak ona vizerajet? Čto jest v toj Bulli?

Ta to že vam uže nesvobodno bolše byti takim grekokatolikam jakima byli vaši otei: to že vaši duhovniki nemohut miropomazati, po prostomu birmovati, no biskup bude hoditi birmovati vaši dñiti na birmovku, tak jak u papištakah; duhovnici vaši bezženati mušať byti (ale o gazdiňkoh, šestreñicoh, že neslobodno ih trimati, v tom ne je slovo), duhovnikov vaših buduščih v papiskih seminariah majut viehovati; že greckij biskup lem namistnikom, tojest podčinnim budet papištaekim biskupam; že vasi dñivčata i sinočkovie možut iti i naj idut na sľub i spovid' gu plebakom; že

možete i papištacki svjata trimati, i možete prejeti calkom na papištacku viru, no nazad uže nit. Ponižili vas do čornoj zemli, umalili vas v Rimi, i prošto že vse sije robleno?

Uznajte že proto, bo Rim vas v cali ne ľubit, bo pred Rimom grečeskij obrjad neľubovnij, bo on Cerkvi grečeskoj lem “macocha”, lem “paserb”; bo on vsich vas v papiskoje jarmo chce zahnati, i to inšak ne može, jak nasampered calkom znivočit na smih greckij obrjad.

Prositsja možeme: či majet li Rim prava gu tomu? Ne majet, bo tohdi svoje vlastno slovo skazit, nepotrimat, jak i nepotrimal.

1648-om roku byla zavjazanna Unija vo Ungvari; byl to vzajm-nij kontrakt-egriment v ktorom bylo vipoloženno že greki možat svoj obrjad potrimati, svoji običaji, svoj zakon samo tak, jak koli byli pravoslavniji, lem naj uznajut Rimu; na tom sobori Jakusič Jageskij areibiskup Rimu zastupoval, ktorij na roskaz Papi podpisal i prijal vsi punkti greceskoho obrjada. Teraz možem prositsja, že ked vi iz dakim kontrakt zavjažete a ten takij tot kontrakt ne potrimat, či pravo primusit vas toj kontrakt zatrimati? Či tak ze ěit, — vidite i Rim tak koli nepotrimav punkti Uniji, vidavav “Ea semper” Bullu, kanadijsku Dekret (13. Sept. 1913) vzbjav ot Talianskikh grekov čistij grečeskij obrjad, i či vi dolžniste pred vašim uničoziteľem koľina prikľoňati? Ěit! — Amerikanski papištacki biskupi i plebani tak vec tolkujuť, že “unija” lem na Uhorskoj ili halickij kraj byla zavjazanna. Ale sto to jest “Unija”? Na soborah lyonskikh, ferraraiskikh i florenceiskikh vikazano bylo tak sobornima otcami, jak aj samom Papoju, že všitki prava, običaj grečeskoho obrjada ostanut v cilosti nerušimo, ked perejduť na uniju; ungvarski i halicki uniji na fundamenti tich soborov byli zavjazani, tojest Unija tak v Haliciji, jak na Uhrach ne byla druha, jak upoznaniye višše skazannih soborov.

Ta teraz prosmesja, na osnovi že jakih soborov ili zakonov vidal Rim “Ea semper” Bullu, lebo Kanadijsky Dekret? ili nepohrišimomu, neklamlimomu Papovi je pravo perevernuti svoje slovo, ili rišeniye-sud soborov, i iz tim izterti čistij grečeskij obrjad? Ěit! Bo vi svoj obrjad ne ot rimskih Papov, no ot Apostolov i ot voštočnih svjatih dostaliste.

A prešto to robit Rim? Proto bo on neľubit aňi ěikda neľubil vas. Mnogi to povidat na naše slovo, čto to ne pravda, ta mi vam dosvidčime iz historiji faktami-skutočnimi dľilanni, že pravda, čto

mi kažemo. Ne iz pravoslavnijski ali protestantski historiji vnesemo
fakti, a če želite boljše povirili našemu trdjenju preberite
jednemu uniatskemu (grekokatoličnemu) duhovniku bl. p. An-
dreju Balugyanszky-professoru Ungvarski grekokatolički semi-
nariji knjižku, što kaže on?

1. Bulgari kdaj prijemajo Kristiansko vero po grškemu ob-
rečju, Rim posle svojih duhovnikov, žabi znova jih pomirjoma-
zali, prosto svjatomu Ichnatiju vostočnemu otcu lažnosti izrobi-
lasja krivda iz Rimom.

2. Joan XIII. papa posmerti svjataho Meftodija grškogo vla-
diki čeham papišackogo latinskogo biskupa dajet.

3. Inocent III. papa to piše Imrovi mađarskomu kralju, "cho-
taj le eden latinski monastir maješ, jednak mnogo u tebe
grških monastirov".

4. Gellert biskup iz monastirja Csapadskogo vihal monachov
grških i zauzjal ich majetnost zo svojima papiskima mnichami.

5. Honorij III. papa tak piše do kralja Andreja, žabi iz Ves-
prem i Visegradskih monastirov vihal grških monachov i žabi
otdal jih majetnosti mnicham latinskim.

6. Gregorij IX. papa 1229-im roku gu Eded delegatu tak
piše: "Ko poštenju Prestola Apostolskago prisluhajte, žabi greki
aj slavjane na latinski obrjad prineseni boli".

7. Gregorij IX. papa IV.-ho Adalberta oslovljate, žabi Assanes
bolgarskogo kralja iz oružjem pimušiv, žabi iz pravoslavnijski Cerkvi
na latinsku prejšov.

8. V roku 1261-om papski krestonosci v Konstantinopolu pro-
hvali Camatherus grškogo patriarku, v mesto neho Venecijskogo
Thomaša papiškogo biskupa vložili.

9. Po četvertom lateranskem sobori na ostrovi Cipr, Simeon
grškij Metropolit bol zabijen i tamošnjih 14 grških Pre-
stolov Vladičnih Rim na papiskih biskupstvih preminiv.

10. Takže na ostrovi Ciprus 1350-ho roku nicoski arcibiskup
opredilil, žabi mišanoh stavu malženstva zavsehda pred latinskimi
plebanom končilsja i iz takih slubov poizvedšiji diti le papištaki
da budut.

11. Benedikt XIV. papa, požeže latinske zauzjali Konstanti-
nopol opredili, žabi na vostoci vsahdi latinski papiski biskupi danu
boli chotaj virniki boli greki.

12. V Calabrij i Gregorij VII. papa vmisto grečeskikh biskupov latinskih biskupov postavil.

13. Pius IV. papa opredilil, ze talianski greki vsi pod latin skima biskupami majut byti.

14. V Siciliji i Calabrij čerez papov dekretom opredilenno grečeskoho obrjada uznavajuščim virnikom, žebi v službach ostiju **upotrebljali**, v Cerkvach papiski rizi chosnovali, 13-ho stoletija odebrali ot duhovnikov miropomazanje v 16-om stolitiji prenesli ich i na novij kalendarj.

Ješče veło i veło historičnih faktov možno by prinesti iz Baglyanszky Uniatskoho katolickoho duhovnika knižki, no ta dumam, uže iz tich jasno pred vami stremlenje. Rima, že na keło nenavidit Rim grečeskoj obrjad, i že na keło usilujetsja jeho iz terti. Toto jeden uniatskij duhovnik pisal, kotorij Rimu prisahnul, kotorij uniatskih grekokatoličeskikh duhovnikov naučoval v seminariji. Jeho pravda spravedliva, ničto ne mozet skazati, že nepravdu pisal, bo samo tak pisali Duliskovics, i druhi uniatski duhovniki.

Rimu toj macochnoj ljubvi prikladom jest tož že ledva čto vaš materna drevna unkačovska Eparchija Uniju prijala, takoj zaraz vašeho grečeskoho vladyku Rim pod Jagerskoho (Eger) papiskoho biskupa opredilil; tak po Uniji vas greekoho obrjada Biskup, nebol Biskupom, lem sluhoju-rabom Jagerskomu papiskomu latinskemu biskupu (chot samostatnost, i rovnost s katolickami eparhijami, biskupami poobicanno i potvrždenno bolo od papeža) i to bolo bi i dnes tak, jesli jeden vaš biskup, Baesinsky nevichodit patronstva u kralovnoj Mariji Thereziji.

Teraž uže možete rozumiti, že čto jest tota "Bulla", kotoru Rim vam tu do Ameriki podal, ne ine jak prodolženije toj nena visti i tomu stremleniju, kotoroj Rim vsehda trimal i budet trimati, žebi vas grečeskoho obrjada virnikov znisčil, iztrebil.

Tak povidajut vam na nas že mi šizmatiki jesme. Čto značit imňa "šizmatik"? Značit teło jak otsčepenec, raskolnik, koji ot Christovoj pravdivoj Cerkvi otsčepilsja, raskolilsja, otvernulsja. Kto jest pravdivij šizmatik, kto otverhnulsja ot Cerkvi Isusa, Vostok li, či Rim? smotrim historiju.

1. Na Niceo-Konstantinopolskom Sobori vselenskom, soborniji otei sostavili simbol-viry, to čto i dnes grečeskij obrjad chosnu-

jet aj Rim chosnoval do času Nikolaja I., ktorij pereminil to svojevolno, bez žadnoho sobora, bo položil v simbol-viry to že Duch svjatij i ot “Sina” poishodit. Čto kazal Isus: “Jehda že prijdet Ufišitel’ jehože az poslu vam ot Otea, duch istny iže ot Otea ishodit” (Joann. 15.—26.). Teraz prosimsja, kto peremeňil nauku Isusa, viru vselenskoj Cerkvi, či ne Rim? Tak kto pravdivij šizmatik, či ne Rim?

3. Cerkov Christianskaja jeden Kalendarj stocnovala, Julian Kalendar, sej chosnovali na Vostok-i zapadi, papa Gregorij (Hrihorij) prines novij kalendarj, tak prositisja osmiľajem, že kto otovarl’sja ot čislenija sobornoj Cerkvi, či ne Rim? Tak kto pravdivij šizmatik, či ne Rim?

4 Na kvasenom chlibi otpravlaľ službi ot apostolskih vikov cila vselenskaja Cerkov, v 11-om stolitiji Rim oprisnočnij ostiju zaprovadiv, tak kto otorval’sja, i kto pravdivij šizmatik, či ne Rim?

5. Isus ne ľem chlib, no i čašu peredav apostolam, cila Cerkov i to trimala, no v 14-om stolitiji Rim na sobori Constanc-kom odobrav od virnikov čašu. Kto odorvav’sja ot obrjada vselenskoj Cerkvi, ot predanija Isusa, či ne Rim? I kto sjak pravdivij šizmatik, či ne Rim? Prosto trebalo odobрати ot virnikoh čašu, ačej oni nedostojni na krov Isusa? Ačej jim nepotrebnno cil’ho Isusa? Lebo ačej Isus Apostolam ľem chliba davav by? Čitak že ñit, ne kazal Isus: “Pijte ot neja vsi”. Tak ne ľem duchovniki-plebani majut piti, aľe i virnikam davati vedľa prikazu Isusa, jak to u grečeskom obrjadi sjasčenniki i davajut. Tak možete i sami vid’iti, ze hde jest pravda.

6. V pervoj Cerkvi každij duchovnik moh miropomazati-birmovati, Rim svojim duchovnikom pozdnijše zakazal to, tak kto odorval’sja, kto spravedlivij šizmatik, či ne Rim?

7. Šedše v mir ves, naučite vsja jazyki”, iz tima slovami zahnal Isus apostolov, toto trimala cila soborna Cerkov, každoj narodnosti svoj jazyk upotrebljali, no aľe Rim čto izboriv, izoter, izniščil každij živij jazyk, ľem jeden mertvij uznaval, latinskij, povičte vy každij živij jazyk, ľem jeden mertvij uznaval, latinskij, povičte vy každij, kto rozumijet dnes sej jazyk? Nikto. Sv. Pavel jednak to kaže: “V Cerkvi skorse ľem pjať slovo hovorit tak, žebi porozumili: jak desjattisjač čužom jabiku” (Kor. 1., 14.—19.). Vid’ite, kto odvernulsja ot pravdivoj nauki, kto pravdivij šizmatik či ne Rim?

8. Mnogo vsitkoho pereminiv jesče papež, ktorich perečisliti ne vistarčilaby jedna cila kniha, no že by vsytko zakryti moh. 1870-om roku na tak zvannom sinodi Vatikanskom vikazal sebe “neprohrišimim”, “neoklamlivim”, chot Cerkov taku nauku nigda neučila, bo ked Cerkov tak bula ucila, i taku nauku trimala za pravdivu, ta čom bola izvolovala sobori nad voprosami viry, čom išli sobori izvereči papov, i vikazati ze pred soborami kozdomu išče i Papovi treba poklonitsja (Sobor Konstanzkij); daže papu Honoriju, jako heretika osudili, (6-ij sobor Kanstantinopolskij) prosto smili veľo katolicki biskupy na sinod Vatikanskom protiv “nepohrisimosti” votovati. Vidite našto zavedet pažravost byti mocnim? — Tak kto pravdivij šizmatik? Papa, ktorij sebe “Svatijsim-Svjatim” nazivajet. (“Jedan svjat, jedin Hospod, Isus Christos” — či ne pravda?) A či ňe buli meždu papežami a zlodiji? jak Alexander IV. i druhi, ta i toti svjati, či svjatijsi buli? Kedi postanovil Isus svjatoho Perta, či papežoh za namistnika svojeho, či za pervoho, za hlavoju Cerkvi? Ňigda. A le to kazal Isus, že “moje carstvo ne iz seho svita jest”, a apostoli koli dohvarjali meždu sobi, že kto bude perši meždu ňim, či ňe taku odpoved dal Isus: “Že kto perši hočet buti, naj budet meždu vsim poslednij, a každomu sluha” (Mark 9, 34.). Ta kto postanovil rimskoho biskupa na papežkij, tak zvannij peršij honor, prestol? Sam papež sebe iz hordosti; ta tak kto robiv šizmu. Sam Papez.

Mnogo zleho hvarjať neprijateľi o nas, svoji chiby-viny na nas choťat izvaliti, bo pravda každomu oči koľet, no možete čosti viditi, že ne my, no Rim odorvalsja od viry Isusovoj, i učenja apostolskoro, ot obrjada svjatih Otcov, tak ne my, no Rim jest šizmatikom.

9. Protestantstvo kolisja izjavilo, hde povladilo? Meždu grekami, či latiňakami? Lem meždu latiňakami, bo u nas nebylo chiby, i pričiny na reformaciju. Sprobovali protestanti i iz grekami, no ne dostihli cili znami, pokal latinskoj cerkei polovicu gu sobi prenesli. Vidite, hde jest pravda, nauka Christova, na ktoroj “i vrata adova ne preodolijut” — jak u nas, i ne u latinakoh, tak ktora možet boti pravdiva Cerkov? Pravoslavnaja; i ktora šizmaticka? Rimskaja, papišackaja. Byl jeden narod, talianski greki, i hde sut oňi teraz? Zožerla jich Rimska macoska politika, dnes uže lem meno majut, aľe greckomu obrjadu konec, — pod jednim vidom prijmajut, duchovniki ich bezženaty, na ostijah služby končat, du-

chovniki ich ne birmujut, kalendarj rimskij trimajut, pod latin-skima biskupami stojat. Tak budet i iz vami, lem že vam aňi imňa, meno ne lišiv Rim, i to ukradnul, i perekrestiv vas Ruthenian-skima katolikami. (Posmotrjte viimenovaňije Ortinskoho v latin-skom originalnom.)

To vam nakazujut dakotri ruthenianski katolicki novini i du chovniki straha radi Judejska, lušće skazavše Ortinska, — že ne-sčastna “Bulla” nazad cofnuta, tak tverdit tščeslavnij Hanula pa-pistačij byvsij klerik. a terepisnij ruthenianskij pop, v gazettu “Ruthenian”, tomu **rišitelno** nevirujte. Prečitajte vimenovanije Ortinskoho dobre, i uvidite, že lem v tom dīli jest pereminenna, že on poteperj ne ot každoho amerikanskoho papištačkoho biskupa bude zavisli, ale prosto lem ot papskoho delegata.

Prečitajte bullu, tam jest skazanno, že se “**Nasehda**” hovorit, sto jit, i že sije nikto aňi kritizovati lebo premiňiti da ne smijet, bo tot “**Vsemohuščoho Boha hňiv i svjatih Apostolov Petra i Pavla pohorčenie prijmet na sebe**”.

Brata! Sud vaš podpisav Rim, uničtoženije vaše dosudiv? Zadar-mo prosiliste, molilistesja sedem rokov, **no** vas ne posluhal, no jesči nadal gu tomu, žeby grečesku Cerkov isče lipše ponižiti, za-hnal i do Kanadi jednogo reformovannoho vasiliana-mnicha, i ra-zom is nim samu taku Dekretu, jaku iz Ortinskim vam (to jest Bullu). Duchovniki vaši iz vami byli, vozbuždali vas, na jich slova ostaliste “independentami”, preterpili iz vami “čašu ho-rest”, raskolnikami ich i vas nazivali, žeste trimali svoju viru; čekaliste, terpiliste, žebi mohlisle potrimati, poderžati grečeskij-staroslavjanskij vostočnij obrjad čisto; ale teraz i tiji ostavili vas, Rim roskazal na nich, postrašilisja; Ortinsky zoloti křestiki, per-steňki, červeni galiri, červeni guziki dav jim, i oni za totu svitsku mamonu zaprodali vas; či ne dumajete, že duže tuňo pustili v torh vas bojazljivo chranaščij dorohij objad? Uže teperj oni sami duchovniki, ktori doteraz vozbuždali vas, ušilujutsja vas izniš-čiti. v rutheniansko papiskoje jarmo vas zahnat. Predtim v “So-jedineniju” ustanovili, že radikal, ukrajnee (Ortinsčan) nemožet byti členom i preto probovali višmarie Hanulu, ruthenianskoho katolickoho pľebančuka, teperišnoho bezkapitularnoho kanonika (či ne pravda?). — a teraz uže sami toti popove i vaši vodci obra-cili koľes, a ustanovili, že takzvanni “šizmatiki” (tojest spravedlivi russini) nemouht byti členami, a pred tim sami toti panovja inde-

pendenti, raskolniki byli ("Duspastir", Maj 16., 1912. 46-uhro-russkij i halickij duchovníki d'istvovali bez jurisdikciju), a teraz isče i darunok dali Ortinskemu na sirotnij dom. Ta deje tu consequenceja, spravedlivost, či iz narodom už šelijak možut bavic?

Čítajte novinki, chot poprostešja svojih duchovníkoh, že či nepravda, že každa farnost musi platiti biskupovi misačnoho po 15—25 dollari; vidite, viste tolko ruki chotili podati na Johnstovnskom kongressi Ortinskemu, i on zaraz skuru vašu choče, podumajte lem, ze tokmo po dvateat dollari misačno, ot 150 farov ročno 36.000 bylo by, vidite telo potreba jednomu "chudobnomu mnichovi". Jak počuvajem, po malenki prosjat i majetki cerkovnija, lem to jim treba, i polopaniste.

Braťa solodki! Bulla stojit, no dnes jesče ne smijut ju zanešti, bojatsja že vsi doraz ochabite Rimu: no ale jak majetok v svoji ruki zachoplat, a chot jak vi vedla "carteroch" vasih daste im pravo na to, uvidite, ze jak poskoro skončatsja iz vami.

Pozerajte Johnstovnskij Kongress, dosudiliste, ze zahranijete prava Cerkvi Grečeskoj; i posmotrjte, že jak podpisav i viko-rigovav punkta dľa svoho smaku Ortinsky biskup?

Že majetok može ostati vaš, aľe začarterujete, že lem tot možet byti u vaš duchovníkom, komu on dast pravo, tojest, jesli vi sije učiníte, on uže takoj duškom vas lapnul v klapcu svoju; dale že obrjad oštanet tak, jak doteraz byl do sinodu Amerikanskoho, no što bude po sinodu? Pevno potom prijdet latinizacija; že miro-pomazati i ženitsja možno duchovníkom "vedla prepisu cerkovnoho", ale čto jest prepis v Amerikanskoj ruthenianskoj Cerkvi? Či ne "Bulla", ktora sije zakažet? Bulla "Ea semper" Florene, **Lyon, Feraiskich sinodov**, zavjazaniye Uniji, načtostesja odvolovali na Johnwnskom kongressi, i što sut greckoj katolickoj Cerkvi kardinalni punkty, tija prosto premolčil, vichabil Ortinsky biskup, bo siji jemu jako "zavzjatому" latiňaku smerďači.

Lubezni braťa! Ked lubite viru Oteov vašich, i grečeskij vostočnij obrjad, musite robiti, dale nit čto čekati. Čto možete izrobiti najlipse, jak to, že vernetesja tam nazad, otkaľ vasi d'idove pred 250 rokami odorvalisja, nazad vernetesja v pravdivu vostočnu pravoslavnu kaftotičeskuju sobornu Cerkov.

Ne bojtesja ot nas, nam netreba vaší majetki, hroši, mi na sije nepoľujeme, ne rušajeme my vašu narodnost, možete vy byti russini, slovaki, rumuny, maďare, serbiani, mi lem jedno lubili by,

žebý vy poderžali viru vašich otcov, sohranivse obrjad grečeskij, toj, kotrij svjatij Vasilij velikij, Joan zlatoustij, Damascen, svjatij Nikolaj čudotvorec deržali, abiste tam došli, hde vična svitlost hospodstvujet. My nehrame kazdij den druhu farbu jak paru vaši prominentni duhovniki robili, i jav v vašom "Viestniku" robili vas redaktori vodei; že pod protojerejem Hodobajom slavjani buli, bo Hodobay maďar bul. Pod Ortinskym do toj času maďari, bo protiv Ortinskoho od maďarsku vladu očakavali pomosč, a teraz nabizovno ruthenianci budu, bo uz poddalisja (jak vitor duje), mi vsehda čisti russini bulisme i jesme, ale čestovalisme i četovace budeme kazdoho naroda.

Ne bojtesja ot žadnich straškov, ne bojtesja ot strašina, jak ko nam prejdete ne budete ot viry odstupniki, bo lem tam pojdete, otkadi otcov vasich odorvali 250 rokov tomu.

Aňi ne otei vasi v Uniju vstúpili, lem 400 duhovnikov podpisali v Ungvari Uniju, bo jich tohda panujuščij Austriackij Čisar-skij dom primušiv nato, i řipsoje položina obicali im, narod osem nič neznal, lem pozdnijse uspokojilsja v tom.

Ot vostoka schodit solnee, ot vostoka prišov "solnee pravdy Christos Boh" nas, na votoci žyl Isus, na votoci rodilisja Apostoli. na votoci naučali svjati Otey, na votoci buli trimani selenski sobori. Sej vostočnij svit, — pravda, vira Isusa, nauka Apostolov i Otcov svjatih čisto, nepremenno, v svojej starodavnoj ne isporčennosti v Vostočnoj Grečeskoj Pravoslavnoj Kafoličkoj (to jest: Sobornoj) Cerkvi i do dnes v cilosti neporušimo nachoditsja!

My nič ne napravljali, nič ne peremiňali, bo nam Christova spravědiva nauka, Apostolov i svjatih Otcov učenje i jich obrjad jest doľrij, bo sam Isus skazav: "Amin bo hlahoľu vam: dondeže prejdet nebo i zemľa, jotta jedina ili jedina čerta ne prejdet ot zakona, dondeže vsja budut" (Maftej 5, 18.).

Ňi na jednu jottu, Ňi na jednu čertu my nič neizminili... Jak bulo v pervotku tak i na ostatku i budet do skončanja vika.

Bratije! Podajte nam ruku bratersku vašu, pridite znami nazad, poklonimsja i pripadem ko Christu, prijdite v pravoslavnu vostočnu Cerkov, tam hde Hospoda našeho Isusa Christa, ľubov Boha i Otea i pričastije svjataho Ducha v viki prebyvajet, da budet so vsimi vami, mir i Jeho spasenije!

"Viděichom svit istinyj...
obritočom viru istinnuju..."

